

曾國藩家書



YZLI0890176661

圖書在版編目(CIP)數據

曾國藩家書 / 曾國藩著. -- 北京: 社會科學文獻出版社, 2012.8

ISBN 978-7-5097-3527-5

I. ①曾… II. ①曾… III. ①曾國藩(1811-1872) - 書信集 IV. ①K827=52

中國版本圖書館 CIP 數據核字(2012)第 144662 號

ISBN 978-7-5097-3527-5



9 787509 735275 >

曾國藩家書 (一函十二冊) 綾面錦函

著者 (清)曾國藩

出版人 謝壽光

出版者 社會科學文獻出版社

地址 北京市西城區北三環中路甲二十九號院三號樓華龍大廈

郵政編碼 100029

責任部門 綫裝分社(010)59367215

責任編輯 孫以年 責任校對 王興紅

經銷 社會科學文獻出版社發行部

(010)59367081

匯金古籍(北京)文化傳播有限公司

(010)64315111

讀者服務中心(010)59367028

印裝 揚州古籍綫裝科技文化有限公司

開本 四尺宣 八開

印張 九點二五

版次 二〇一二年八月第一版

書號 ISBN978-7-5097-3527-5

定價 貳仟捌佰圓整

本書如有破損、缺頁、裝訂錯誤,請與本社讀者服務中心聯系更換

版權所有 翻印必究

曾國藩家書 卷二

道光二十七年正月十七日致祖父書

道光二十七年正月十八日致父母書

道光二十七年二月十二日致澄侯、子植、季洪弟書

道光二十七年三月初十日致父母書

道光二十七年三月初十日致澄侯、子植、季洪弟書

道光二十七年六月十七日致祖父書


道光二十七年六月十七日致叔父母書

道光二十七年六月十八日致澄侯、子植、季洪弟書

道光二十七年六月二十七日致父母書

道光二十七年六月二十七日致澄侯、子植、季洪弟書

道光二十七年七月十八日致父母書



YZLI0890176661

一

一

二

五

六

八

九

十

十一

十二

十三

道光二十七年七月十八日致澄侯、子植、季洪弟書

十四

道光二十七年八月十八日致澄侯、子植、季洪弟書

十五

道光二十七年九月初十日致澄侯、子植、季洪弟書

十七

道光二十七年十月十五日致澄侯、沅浦、季洪弟書

十九

道光二十七年十二月初六日致父母書

二十

道光二十八年正月二十一日致澄侯、子植、季洪弟書

二十一

道光二十八年四月十四日致父母書

二十三

道光二十八年五月初十日致父母書

二十四

道光二十八年五月初十日致澄侯、子植、季洪弟書

二十五

道光二十八年六月十七日致澄侯、子植、季洪弟書

二十七

道光二十八年七月二十日致叔父母書

二十八

道光二十八年九月十二日致叔父母書

二十九

道光二十八年十一月十四日致澄侯、子植、季洪書

三十

道光二十八年十二月初十日致澄侯、溫甫、子植、季洪弟書

三十二

道光二十九年正月初十日致澄侯、溫甫、子植、季洪弟書

三十三

道光二十九年二月初六日致父母書

三十五

道光二十九年二月初六日致澄侯、溫甫、子植、季洪弟書

三十六

道光二十九年三月初一日致澄侯、溫甫、子植、季洪弟書

三十七

道光二十九年三月二十一日致澄侯、溫甫、子植、季洪弟書

三十七

道光二十九年三月二十一日再致澄侯、溫甫、子植、季洪弟書

四十

道光二十九年四月十六日致父母書

四十一

道光二十九年四月十六日致澄侯、溫甫、子植、季洪弟書

四十二

道光二十九年五月十五日致澄侯、溫甫、子植、季洪弟書

四十四

道光二十九年六月初一日致澄侯、溫甫、子植、季洪弟書

四十五

道光二十九年六月十四日致澄侯、溫甫、子植、季洪弟書

四十七

道光二十九年六月二十九日致澄侯、溫甫、子植、季洪弟書

四十八

道光二十九年七月十五日致澄侯、溫甫、子植、季洪弟書

四十九

道光二十九年九月二十一日致澄侯、溫甫、子植、季洪弟書

五十

道光二十九年十月初四日致澄侯、溫甫、子植、季洪弟書

五十一

道光二十九年十一月初五日致澄侯、溫甫、子植、季洪弟書

五十三

道光二十九年十二月初三日致澄侯、溫甫、子植、季洪弟書

五十四

道光三十年正月初九日致澄侯、溫甫、子植、季洪弟書

五十六

道光三十年三月三十日致父母書

五十七

曾文正公家書卷三

道光二十七年丁未正月十七日

孫男國藩跪稟祖父大人萬福金安去年十二月十七發第廿二號信並輓聯一包朱心泉 誥命一軸交徐玉山太守帶交蕭辛五處想三月可到又於廿日發第廿三號信交摺弁想二月可到新正十五日接到家中十一月十九所發信敬悉大人之病已愈大半不知近日得全愈否孫去冬信言須參用化痰之藥不知可從否祖母已於十二月初十安葬甚好甚好但孫有略不放心者孫幸蒙祖父福佑忝居卿大夫之末則祖母墳塋必須局面宏敞其墓下拜埽之處須寬闊其外須建立 誥

家書卷三
封牌坊又其外須立神道碑木斗冲規模隘小離河太近無立
牌坊與神道碑之地是以孫不甚放心意欲從容另尋一地以
圖改葬不求富貴吉祥但求無水蟻無凶險面前宏敞而已不
知大人以爲何如若可則家中在近境四十里內從容尋地可
也餘俟續具孫謹稟

道光二十七年正月十八日

男國藩跪稟父親大人禮次正月十五日接到父親叔父十一
月二十所發手書敬悉一切但摺弁於臘月廿八在長沙起程
不知四弟何以尚未到省祖母葬地易敬臣之說甚是男去冬
已寫信與朱堯階請渠尋地茲又寄書與敬臣堯階看妥之後

可請敬臣一看以堯階爲主而以敬臣爲輔堯階看定後若毫

無疑義不再請敬臣可也若有疑義則請渠二人商之

男書先寄去若

請他時四弟再寫一信去

男有信稟祖父大人不知祖父可允從否若執意

不聽則遵命不敢違拗求大人相機而行大人念及京中恐無錢用男在京事事省儉偶值闕乏之時尚有朋友可以通挪去年家中收各項約共五百金望收藏二百勿用以備不時之需丁戊二年不考差恐男無錢寄回男在京用度自有打算大人不必挂心此間情形四弟必能詳言之家中辦喪事情情形亦望四弟詳告共發孝衣幾十件饗祭幾堂遠處來弔者幾人一一細載爲幸男身體平安一男四女痘後俱好男婦亦如常聞母

親想六弟回家叔父信來亦欲六弟隨公車南旋此事須由六弟自家作主男不勸之歸亦不敢畱家中諸務浩繁四弟可一人經理九弟季弟必須讀書萬不可耽閣他九弟季弟亦萬不可懶散自棄去年江西之行已不免爲人所竊笑以後切不可輕舉妄動只要天不管地不管伏案用功而已男在京時時想望者只望諸弟中有一發憤自立之人雖不得科名亦是男的大幫手萬望家中勿以瑣事耽閣九弟季弟亦望兩弟鑒我苦心結實用功也男之癰疾近又小發但不似去春之甚耳同鄉各家如常劉月槎已於十五日到京餘俟續呈男謹稟

道光二十七年二月十二日

澄侯子植季洪三弟左右二月十一日接到三弟正月初旬手書具悉一切澄侯以臘月廿三至岳州余見羅芸皋已知之後過湖又阻風竟走七十餘天始到人事之難測如此吾弟此後又添了閱歷工夫矣黎樾喬託帶之件當裝車時吾語弟曰此物在大箱旁邊恐不妥弟明日到店須另安置善地不知弟猶記得我言否出門事事皆須細心今既已弄壞則亦不必過於著急蓋此事黎樾翁與弟當分任其咎兩人皆麤心不得專責弟一人也祖大人之病久不見效兄細思之恐有火不宜服熱藥蓋祖父體賦素強丁酉之春以服補藥之故竟成大病後澤六爺以涼藥治好此次每日能喫三中碗飯則火未甚衰恐

醫者不察徒見小便太數則以爲火衰所致概以熱藥投之亦足誤事兄不明醫理又難遙度而回憶丁酉年之往事又聞陶雲汀先生爲補藥所誤之說特書告家中望與名醫細商不知有可服涼藥之理否兄自去年接祖母訃後卽日日思抽身南歸無如欲爲歸計有三難焉現在京寓欠帳五百多金欲歸則無錢還帳而來往途費亦須四百金甚難措辦一難也不帶家眷而歸則恐我在家或有事畱住不能遽還京師是兩頭牽扯如帶家眷則途費更多家中又無房屋二難也我一人回家輕身快馬不過半年可以還京第開缺之後明年恐尚不能補缺又須在京閒住一年三難也有此三難是以躊躇不決而夢寐

之中時時想念堂上老人望諸弟將兄意詳告祖父及父母如
堂上有望我回家之意則弟書信與我我概將家眷畱在京師
我立即回家如堂上老人全無望我歸省之意則我亦不敢輕
舉妄動下次寫信務必詳細書堂上各位老人之意祖母之葬
事既已辦得堅固則不必說及他事日前所開山向吉凶之說
亦未可盡信山向之說地理也祖父有命而子孫從之天理也
祖父之意已堅而爲子孫者乃拂違其意而改卜他處則祖父
一怒肝氣必鬱病勢必加是已大逆天理雖得吉地猶將變凶
而況未必吉乎自今以後不必再提改葬之說或吉或凶聽天
由命卽朱堯階易敬宜亦不必請他尋地

堯階二人如看得
有妥地亦不妨買四

弟則在家幫父親叔父管家事時時不離祖父左右九弟季弟則專心讀書只要事事不違天理則地理之說可置之不論不議矣吾身之癰春間又發特不如去歲之甚而上頸上則與弟出京時一樣未再發也六弟近日頗發憤早間亦能早起紀澤詩經尚未讀完現係竹屋教總多間斷將來必要請一最能專館之人黎樾喬御史報滿引見回原衙門行走黃正齋之長子於正月初間失去至今尚未歸來鄧星階就正齋之館李希菴就杜蘭溪之館係我所薦同縣劉九爺羅鄒二人及新科三人皆已到京住新館江岷樵住張相公廟去我家甚近郭筠仙尚未到袁漱六於正月廿四到京現在家眷住北半截胡同周

若農尚未到楊春皆於正月二日生一子劉藥雲移厲虎坊橋其病已全好趙崧原之妻於正月仙逝舒伯魯二月出都我家碾兒胡同房東將歸三四月必須搬家黃秋農之銀已付來加利息十兩兄意欲退還他九弟季弟讀書開口便有自畫之意見得年紀已大功名無成遂有懶惰之意此萬萬不可兄之鄉試座師徐曉邨許吉齋兩先生會試房師季仙九先生皆係二十六七入泮三十餘歲中舉四十餘歲入詞林諸弟但須日日用功萬不必作歎老嗟卑之想譬如人欲之京師一步不動而長吁短歎但曰京師之遠豈我所能到乎則旁觀者必笑之矣吾願吾弟步步前行日日不止自有到期不必計算遠近而徒

家書卷三
長吁短歎也望澄侯時時將此譬喻說與子植季洪聽之千萬
千萬無怠無怠九弟信言諸妯娌不甚相能尤望諸弟修身型
妻力變此風若非諸弟痛責已躬則內之氣象必不改而乖戾
之致咎不遠矣望諸弟熟讀訓俗遺規教女遺規以責已躬以
教妻子此事全賴澄弟爲之表率關係至大千萬千萬不勝囑
切之至伏惟畱心自反爲幸兄國藩手草

道光二十七年三月初十日

男國藩跪稟父母親大人膝下昨初九日已刻接讀大人示諭及
諸弟信藉悉一切祖父大人之病已漸愈不勝禱祝想可由此
而全愈也男前與朱家信言無時不思鄉土亦久宦之人所不

免故前次家信亦言之今既承大人之命男則一意服官不敢
違拗不作是想矣昨初六日派總裁房差同鄉惟黃恕皆一人
單另列初八日
題目亦另列男今年又不得差則家中氣運不致太宣洩祖
父大人之病必可以速愈諸弟今年或亦可以入學此盈虛自
然之理也男癰病雖發不甚狠近用蔣醫方朝夕治之渠言此
病不要緊可以徐愈治病既好渠亦不要錢兩大人不必懸念
男婦及華男孫男女身體俱好均無庸挂慮男等所望者惟祖
父大人病之速愈暨兩大人之節勞叔母日疾速愈俾叔父寬
懷耳餘容另稟

道光二十七年三月初十日